

Akta Perhimpunan Aman 'cemarkan lagi' imej PM
Malaysiakini.com
November 30 ,2011

Amanah - sebuah badan pendesak yang turut dianggota personaliti BN - menyifatkan Rang Undang-Undang Perhimpunan Aman telah mencemarkan reputasi Perdana Menteri, Datuk Seri Najib Tun Razak.

"Adalah menyedihkan apabila kita melihat satu lagi kesilapan yang merosakkan imej Datuk Seri Najib sebagai seorang perdana menteri yang mahukan transformasi," kata naib presiden Amanah, Wan Saiful Wan Jan.

Katanya, Najib sepatutnya berbincang secara konstruktif dengan Majlis Peguam dan meneliti alternatif yang mereka cadangkan.

Pada masa yang sama, katanya, ahli parlimen Pakatan Rakyat juga tidak sepatutnya bertindak keluar dewan ketika berlangsung perbahasan mengenai rang undang-undang tersebut.

"Mereka sepatutnya kekal berbahas dan mengundi. Malangnya, tindakan keluar dewan hanya akan mewujudkan hujah untuk mengalih perhatian daripada isu sebenar," tegasnya dalam satu kenyataan.

Rang undang-undang tersebut diluluskan selepas dibahaskan tidak sampai empat jam oleh enam ahli parlimen semalam.

Copyright © 1999-2007 Mkini Dotcom Sdn. Bhd
<http://www.malaysiakini.com/news/182809>